



Hordaland Fylkeskommune
Postboks 7900

5020 BERGEN

hfk@hfk.no

Bekkjarvik 29.03.2017

Høyringssvar Kystsoneplan for Sunnhordland og ytre Hardanger Dykkar ref. 2014/11042

Visar til tidlegare høyring i perioden mai 2015 – oktober 2015, der Lerøy Sjøtroll kom med innspel til regional kystsoneplan for Sunnhordland og ytre Hardanger datert 30.09.2015, samt avgrensa høyring februar – mars 2017. Lerøy Sjøtroll setjar oss sterkt imot ein slik plan, og me ber om at denne planen ikkje vil vert vedtatt.

Når me har lagt lokalitetsstrukturen til LS har me måttå ta omsyn til gjeldande kystsoneplan for dei einskilde kommunane og at me har ein jamn fordeling av lokalitetar i dei ulike brakkleggingssonene i det aktuelle området. Å endra på lokalitetsstrukturen er enormt kostnadskrevjande og tek lang tid å få endra. Det er også viktig at rammevilkåra vert føreseileg og at ein har nødvendig fleksibilitet til å møta nye framtidige utfordringar/endringar av havbruksnæringa.

Rammevilkåra frå myndighetene styrer utviklinga i Havbruksnæringa, og dei har eit mål at Norge skal verta verdas største havnasjon, og at det dermed skal leggjast best mogleg til rette for vekst i næringa innanfor ei ramme av økonomisk, sosial og miljømessig bærekraft. Kystsoneplanen for Sunnhordland og Hardanger har ikkje tatt med seg dei nye rammevilkåra som myndighetene er i ferd med å innföra i denne regionen, og dette reduserer fleksibiliteten og føreseilegheita for Havbruksnæringa til å tilpassa seg dei nye rammevilkåra og derfor må Lerøy Sjøtroll be om at planen vert utsatt/avvist.

Dei nye rammevilkåra som påverkar drifta for Havbruksnæringa i regionen er:

- Nærings- og Fiskeridepartementet har innfört Produksjonsområder (PO) i Norge med verknad frå 01.10.2017 – her legg ein opp til å dela Norge i 13 ulike produksjonsområder, der selskapa må plassera dei ulike løyva inn i eit PO. Her vert lus på villfisk ein indikator på om ein får vekst eller reduksjon av løyva innanfor dei ulike PO ved å gje raudt (reduksjon), gult (uendra) eller grønt lys(vekst). Dette tiltaket veit ein ikkje verknaden av ennå og er ikkje tatt omsyn til i Kystsoneplanen.
- Mattilsynet har vil fjerna soneforskrifta som gjeld i Sunnhordland og Hardanger. Dette er ei forskrift som vart svært dyr for Havbruksnæringa i området og den delar inn områda i soner med ulik tidspunkt for brakkleggning av anlegga. I framtida vil



Mattilsynet at selskapa skal samarbeida om å brakkleggja lokalitetar i eit område samtidig, og dette skal søkjast om gjennom Driftsplansøknadane. Det vil også verta kravd min. 5 km. Buffersoner mellom dei ulike brakkleggingsområda og dette er dermed ikkje tatt høgde for i forslag til Kystsoneplanen

- Fylkesmannen vil innføra Marine verneområde – Korsfjorden – ytre Hardangerfjorden – Lurefjorden. Det føreslårte området i Korsfjorden vil påverka 5 store lokalitetar som Lerøy Sjøtroll disponerer i området. Her skal Fylkesmannen i ettertid utarbeide forvaltingsplan – Der det er eksisterande verneområde som går ut eller ned til sjøen, føreslår Fylkesmannen å trekka grensa slik at tidevassona vert inkludert, elles vert det marebakken på 2 meters djupne. Indre Korsfjorden frå Eldjarnet går grensa mot djupnekote 100m. – Ein vil verna sjøbotn – strandsone – vassøyla – vassoverflata. Dette vert lite føreseieleg og på sikt ser ein ikkje muligkeit til å utvikla lokalitetane i dette området og det vil leggja press på andre områder i regionen og dette er heller ikkje tatt omsyn til i regional Kystsoneplan.
- Kommunaldepartementet er i ferd med å utarbeida veileder for planarbeid i sjø, og det bør derfor vera viktig å venta med å vedta ein slik kystsoneplan, slik at ein kan nytta ein slik veileder i planarbeidet.
- Summen av alle endringane i rammevilkår for Havbruksnæringa gjev store utfordringar, og verken myndigheter eller næringa veit korleis desse endringane vil påverka kvarandre og vedlagt ligg eit kart der me prøver å illustrera kva utfordringa Havbruksnæringa i dette området står ovanfor.

Viss Fylkeskommunen ikkje stanser den føreslårte planen, vil me be om at det vert gjort ein god del endringar:

- Områda kalla «grøn struktur landskapsområde» er alt for stor og omfattande der det i dag allereie er næringsliv og busetting. Dette vil hindra utviklinga både på land og sjø i desse lokalmiljøa og næringslivet her. Lerøy Sjøtroll vil nemna tre viktige områder som Fylkeskommunen må redusera omfanget av og det er Område 1 Marsteinen – Skorpo (Austevoll kommune), Område 2 Møgster – Skolmafjorden – Fugløya (Austevoll kommune) og Område 3 Fitjarøyane (Fitjar og Bømlo kommune). I desse nemnde områda har Lerøy Sjøtroll fleire lokalitetar som kan verta sterkt påverka i rammevilkåra og i område 3 ligg også Brandasund Fiskeforedling ideelt til langt ut mot havet men med innføring av landskapsområde vert det vanskeleg/umuleg å tilpassa denne bedrifta til framtidige krav, og som i dag har om lag 100 arbeidsplassar.
- I retningslinjene til planen må punkt 1.3 som gjeld motsegnssrett takast ut av planen.
- Punkt 2.16 må endrast slik at kommunen har muligkeit til å tildela sjøareal til havbruksføremål når dei finn det tenleg, utan at det føreligg teknologiske nyvinningar eller at området skal øyremerkast til nye artar.
- Punkt 3.5 må endrast slik at fortøyinger kan leggjast i areala som er karakterisert som sjø- og vassdrag generelt. Dette for at framtidig utviding av AK område gjennom kommuneplanvedtak kan gjerast i desse områda. Slik forslaget ligg nå vert det vanskeleg å få færre og større lokaleiteter, grunna slike avgrensingar.



Slik høringsplanen er utforma i dag, kan ikkje LS gå for ein slik felles Kystsoneplan for Sunnhordland og ytre Hardanger. LS meiner denne planen ikkje tek omsyn til dei muligheter som ligg i framtidig havbruk. Dermed vert forskjellen i rammevilkåra samanlikna med resten av næringa i Norge enda større enn i dag.

Vedlegg:
-kartvedlegg til høyringssvar LS

Med venleg helsing
for Lerøy Sjøtroll


Nils Arve Eidsheim
Samfunnkontakt Lerøy Vest og Sjøtroll Havbruk